



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Anno M.D.XLVII.

urn:nbn:de:hbz:466:1-41515

seculi anno reuersus, quoniam gesto in munere prudentiam, industriamque probarat; iterum eadem super causa ad Cæsarem Carolum V. legatur. Hæc quoq; legatio è sententia cessit, & quidquid petierat, impetrauit: vnde factū præcipuè, vt subinde deiectus è gregis custodia lupus Hermānus, locum cederet vero Pastori Adolfo Schauemburgio. Verùm eo minus læta Coloniensibus cecidit, quod ipsum amisere Canisium. Dū enim ad Cæsarem adit, cum Cardinali Augustano Othone Truchsesio Vormatiæ, Vlmæq; congressus, is vehementer delectatus sapientia iuuenis, cū & Patres maturum iam euocare eum putarēt, ad Concilium, quod eo ipso tempore Tridenti habebatur, Theologum Claudio Iaiō socium misit. Ita, quanquam ægrè ferentibus cunctis bonis, Colonia prorsus discessit; socios optimè animatos, cōparatisq; etiam ab se ad multos menses vitæ subsidiis affatim instructos relinquens. Tridēti haud diu fuerat, cū translatum Concilium est Bononiam Martij mensis extremo. Tū verò, quia translatio illa minimè probabatur Imperatori, metu eius offensæ Cardinalis Otho aliquandiu hæsit, num Iaiū, & Canisium eo mitteret nomine suo.

An. 1547.
Secunda ad
Carolum V.

Tertia ad
Concilium
primo Tri-
dentum.

F

Sed